

Nik Mustafa Naib Canselor UPM baru ganti Mohd. Zohadie

Oleh AZMI ABDUL MALEK
berita@kosmo.com.my

KUALA LUMPUR – Timbalan Naib Canselor (TNC) Penyelidikan Dan Inovasi, Universiti Putra Malaysia (UPM), Profesor Nik Mustafa Raja Abdullah, 51, dilantik sebagai Naib Canselor UPM yang baru menggantikan Profesor Datuk Dr. Mohd. Zohadie Bardae yang meletakkan jawatannya baru-baru ini.

Di Universiti Malaya (UM) pula, Pengarah Institut Pengurusan Penyelidikan dan Perundingan (IPPP), Profesor Dr. Muhamad Rasat Muhamad, 52, dilantik sebagai TNC Penyelidikan Dan Inovasi yang baru universiti itu.

Surat pelantikan diserahkan oleh

Menteri Pengajian Tinggi, Datuk Seri Dr. Shafie Salleh di Kementerian Pengajian Tinggi (KPT) di Putrajaya, tengah hari semalam.

Pada 21 Disember lalu, Shafie mengesahkan telah menerima peletakan jawatan Mohd. Zohadie sebelum tamat tempoh perkhidmatannya pada 5 Januari ini.

Nik Mustafa yang dihubungi semalam mengesahkan menerima surat pelantikan itu yang berkuat kuasa 1 Januari ini.

Beliau yang berasal dari Machang, Kelantan memulakan kerjaya sebagai pensyarah UPM pada 1981 dan pernah menyandang jawatan sebagai Dekan Fakulti Ekonomi dan Pengurusan, UPM (1997-2004) sebelum memegang ja-

watan Timbalan Naib Canselor Penyelidikan Dan Inovasi UPM sejak Jun 2004.

Sementara itu, Muhamad Rasat menggantikan Profesor Dr. Alias Daud yang baru-baru ini dilantik sebagai Naib Canselor Universiti Darul Iman, Terengganu.


Muhamad Rasat mengakui terkejut dengan pelantikan itu tetapi bersedia memikul amanah yang diberikan.

Difahamkan, pelantikan itu berkuat kuasa 1 Januari ini hingga 31 Disember 2008.

Muhamad Rasat mula berkhidmat di UM sebagai tutor pada 1977 sebelum menjadi pensyarah di Jabatan Fizik dan Fakulti Sains pada 1982.



NIK MUSTAFA



MUHAMAD RASAT